



Votaziuns federalas dils 25-09-2022 mira pagina 3 da quest FUS

L'urna ei aviarta (en canzlia communal)
gievgia e venderdis mintgamai duront las uras da spurtegl
dumengia, ils 25-09-2022, dallas 10.00 – 11.00 uras

Sonda e dumengia, ils 24 e 25 da settember 2022 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 16-09-2022

Biro electoral

Damondas da baghegiar

Nr. 113/2022

Datum da publicaziun: 16-09-2022

Patrun: Tarcisi Maissen SA, 7166 Trun

Liug e parcella: Rabiun-Cavivens; 5056

Object: construcziun da duas casas d'ina famiglia cun habitaziun integrada

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 16-09-2022

Cumissiun da baghegiar

Cuviartas da votaziuns prefrancadas

Igl onn 2021 ha il Cussegl grond approbau l'introducziun da cuviartas prefrancadas per las votaziuns ed elecziuns el cantun Grischun. Entras quei resultan negins cuosts per las votantas ed ils votants tier votaziuns cun posta. Votantas e votants ston pia buca pli francar la cuviarta da votar avon che tarmetter quella cun la posta al biro electoral. Sin il cedel da legitimaziun sesanfla daniev in code il qual remplazza la francatura. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla.

Nus supplichein per enconuschientscha e stein bugen per damondas a Vossa disposiziun.

Sumvitg, 16-09-2022

Administraziun communal

Sanaziun Via Naustgel

Muort lavurs da sanaziun vid la Via Naustgel resta la via serrada naven da gliendisdis, ils 26 da settember 2022 entochen la fin digl onn naven da mintgamai gliendisdis allas 07.00 entochen venderdis allas 18.00 uras. La via ei pia duront quei temps era serrada la notg. La find'jamna ei la via mintgamai aviarta.

Ulteriuras informaziuns anfleis Vus sin la pagina d'internet www.sumvitg.ch.

Per damondas stat l'administraziun communal a Vossa disposiziun.

Sumvitg, 16-09-2022

Departament forestal

Cussegl pastoral, Pleiv Sumvitg

Tgi ha interess e plascher...

...da collaborar en ina gruppa che prepara da temps en temps devoziuns ni survetschs divins da famiglia cun e per affons ensemen cun sur Saji? Dalla partida ein Gabriela Cabalzar e Nadja Vincenz ed ellas selegnan da mintga sustegn e bun'idea. Dapli informaziuns survegnas tier Gabriela Lutz, menadra dil cussegl pastoral, tel. 078 640 91 12 ni gglutz@gmx.ch. Cordials salids a tuts!

Uniun da dunnas Vinavon

Preavis:

Venderdis, ils 18 da november 2022, allas 19.30 ha liug ell'aula da scola a Sumvitg la radunonza da fundaziun dalla Uniun da dunnas Vinavon. Cordialmein envida *la gruppa dad interess*

Uniun gimnastica da dunnas Rabius

Invitaziun alla radunonza generala gliendisdis, ils 3 d'october 2022, allas 20.00 ell'ustria «Greina» a Rabius. Has ti gust da far gimnastica cun ina coola truppa da dunnas? Nus fagein era seras da giugs, spassegiadas cun festa ni semplas turas da bike. Nus envidein perquei mintgina alla proxima radunonza generala ni ad ina lecziun da fuffergnar. S'annunziar astgas bugen tier Sandra Bearth (078 913 07 10) Nus selegrein sin tei! *Il comité*

Frauenturnverein Rabius

Hast du Lust, mit einer coolen Gruppe zu turnen? Wir haben ein abwechslungsreiches Programm zusammengestellt. Neben dem Turnen treffen wir uns auch zu einem Spieleabend, Eisstockschiessen, Velofahren oder Nordic Walking. Am 1. Oktober geht es schon auf die kleine Herbstwanderung. Hast du Interesse? Dann melde dich doch bei unserer Präsidentin! Anmeldung bei Sandra Bearth (078 913 07 10) Wir freuen uns auf dich! **Der Vorstand**

Sera d'informaziun per interessai dalla Scola da talents.Surselva

Sera d'informaziun per interessai dalla Scola da talents. Surselva ha liug **mesjamna, ils 5 d'october 2022, allas 19.30 ell'aula dalla scola a Glion**. Dapli informaziuns sut «Vischnaunca Ilanz/Glion».

Infoabend für Interessierte der TalentSchule.Surselva

Infoabend für Interessierte der TalentSchule.Surselva findet am **Mittwoch, 5. Oktober 2022, um 19.30 Uhr in der Aula im Schulhaus in Ilanz statt**. Mehr Informationen unter «Gemeinde Ilanz/Glion».